

GENERATIM quæ de Scotia dicenda habui, absolvi: postulat Methodus, ut speciatim & per partes eam perambulem. Dividitur autem Scotia (monte Grampio mediam secante) in Australe sive superiorem, & in Borealem sive inferiorem. Dirimitur vero ab Anglia primum *Tueda* fluvio, *Zeviota* Monte altissimo, & qua Mons deficit, vallo non adeo pridem facto, ac deinde *Esca* & *Solvao* fluminibus.

Marcia.

Situs.

Urbium nomina.

Citra hos limites a Mari Scotico ad Hibernicum regiones hoc ordine jacent. Prima est *Marcia* vel *Merchia*, sic dicta quod limitanea, hæc finistrum *Tuedæ* latus attingit: ad Orientem *Forthæ* æstuario, ad Meridiem Anglia clauditur. In *Marcia* *Bervicum* opidum quod Angli tenent. Est & hic *Hume* castrum, antiqua possessio Dominorum de *Hume* qui a Comitum *Merchia* familia oriundi, in amplam & insignem familiam sunt propagati. Cui vicinum subsidet *Kello* monasterio quondam celebris, & antiqua habitatione *Hepburnorum* qui *Bothwelliæ* Comites, & hæreditario jure Admiralli Scotiæ diu fuerunt, qui honores per sororem *Iacobi* Comitis *Ioanni* filio naturali Regis *Iacobi* v enuptam, ad *Franciscum* ejus filium nunc *Bothuellæ* Comitem descenderunt. Inde *Coldingham* cernitur, *Bedæ* Urbs *Coldana* & *Coludi* urbs *Ptolemæo* fortasse *Colania*. Ad Occidentem *Marcia* ad utrumque *Tuedæ* latus est *Teviotia*, a *Teviot* amne nomen adepta. *Teviotia* monte dirimitur ab Anglia. Post hunc regiones non magnæ *Lidalia*, *Eria*, & *Esca* a tribus fluminibus cognati nominis *Lidalo*, *Evo* & *Esca* nominatæ. Ultima *Annandia*, & ipsa ab *Annando* amne prope mediam dividente appellata, secundum *Solvæum* in Mare Hibernicum decurrit. Tam ut rursus ad *Fortham* redeamus, is ab *Ortu* *Lothianam* claudit: *Cocburni* Saltus, & *Lamyrii* montes eam a *Marcia* separant. Contingit deinde paullum ad Occasum inflexa *Lauderiam* & *Tuediam*: alteram a *Laudera* opido; alteram ab amne *Tueda* mediam secante. *Tuediam* ad Meridiem, & Occidentem contingunt *Lidalia*, *Nithia*, *Glottiana*. *Nithie* *Nithus* amnis nomen dedit per eam in mare Hibernicum labens. *Lothiana* a *Lotho* *Pictorum* rege nominata. Hæc regio humanitatis finitur *Forthæ* sive mari Scotico. Vallem *Glottianam* spectat ab Occidente hiberno. Hæc regio humanitatis cultu, & rerum necessariorum ad usum vitæ copia ceteras longe præcellit. Quinque amnibus irrigatur, *Tina*, utroque *Esca*, (qui antequam in mare cadant in unum alveum coeunt) *Letba* & *Almone*. Hi parum è *Lamyriis*, partem *Pictlandicis* montibus in *Fortham* defluunt. Opida habet *Dumbarum*, *Hadnam* vulgo *Hadintonam*, *Dalkethum*, *Edinburgum*, *Letbam*, *Limnuchum*. Magis ad Occidentem jacet *Glottiana*, utramque *Glotta* fluminis ripam complexa, quæ ob longitudinem in duas præfecturas dividitur. In superiore præfectura collis est non admodum editus, a quo in tria diversa maria flumina effunduntur: *Tueda* in mareoticum, *Annandus* in Hibernicum, in *Deucaledonium* *Glotta*. In ea urbes insigniores sunt *Lanarcum*, & *Glasca*. Hanc ab Occidente hiberno *Coila* contingit. Ultra *Coilam* est *Gallovidia*. Ea separatur a *Nithia* *Cludano* amne, tota fere in Meridiem vergens, ac ab littore ejus reliquum illud Scotiæ latus tegitur. Univerſa pecoris, quam frumenti fertilior. Amnes habet plures in Hibernicum mare decurrentes *Urum*, *Devam*, *Kennum*, *Cream* & *Lussum*. Nusquam

Nithia.

Lothiana.

Situs.

Soli fertilitas.

Flumina.

Urbium nomina.

Glottiana.

Flumina.

Urbium nomina.

Gallovidia.

Situs.

Flumina.